

# جريدة حاكمية

١٢٩٠

## صلى

نومرو	جماي الآخرة	سنه	نيسان	سنه	صيفه
١٤٧	١٤	١٢٩٩	٢٠	١٢٩٨	١١٦٩

اشبو غزته بهر هفته صالى كونلرى چيقار . سنه لى مجيدى اچمه التمش غروشدر بهر نسخته سى التمش  
پاره مجيدى به اوله ق هر يرده صاتيلور . درج اولنه جق اعلاناتك بهر سطرندن ايكي غروش النور .  
سنه لکنه مشترى اولوق استيانلر عدليه نظارت جليله سى اوراق مدير لکنه مراجعت ايتليدر

مخصوص اولان او طه ده عقد اجتماع ايدرك بلاط  
جوارنده ملاحشقى محله سى ساکنلرندن ونعلبور  
اصنافندن عمر افنديك معامله جبر و شدتله سيم  
ساعت والتون قور دوننى اخذ وسريقه التلسندن  
طولاي مظنون عليه اولان فنار پوليس مرکزنده  
مستخدم نورس افندی حقمده جريان ايدن معاملات  
تحقيقه بي حاوى او اوب باتقرر وکیل مومى اليه  
جانبدن اعطا قلنان اوراق ايله مير مومى اليه  
في ١١ صفر سنه ٩٩ وفي ٢ كانون اول سنه ٩٧  
تاريخيله مورخ و طقوز يوز يکرمى يلى رقميله مرقم  
ومضى ادعا نامه سى ضبط کا تيلرندن مخلص بکه  
قرائت ايتديرلدى

مذکور ادعا نامه مندرجاتى مرقوم نورس افندی  
معينى نفراتيله کيجه قول کر مکده ايکن فنار سر  
اولديغى حالده طوتمش اولديغى مومى اليه عمر افنديك  
صيقجه طوتديغى زنجيرى الندن المقي ايچون يندنه  
بولنان باستون ايله عمر افنديك الرينه اوره رق

### ( توجيها ت عدليه )

لازستان سنجاغى بدایت محکمه سى جزا دائره سى  
رياستى کتبخانه مدعى عمومى معاونى سابق نوري افندی به  
کتبخانه سنجاغى بدایت محکمه سى مدعى عمومى  
معاونلىکى لازستان مدعى عمومى معاونلىکى و کالنده  
بولنش اولان عمر رشدى افندی به  
قسطنونى ولايتى مرکز بدایت محکمه سى حقوق  
دائره سى رياستى طر بزون ولايتى مرکز بدایت محکمه سى  
حقوق دائره سى رئيسى سابق فضيلتلو رضا افندی به  
توجيه بيورلشدر

### ( هيئت اتهاميه دن ويريلان مضبطه صور تيدر )

رئيس بکر افندی واعضا کال بک و ديقران افنديدن  
مرکب اولان هيئت اتهاميه استيناف مدعى عمومى  
وکيلى محکمه جنایت اعضا سندن حسين حامد بک  
افندی دنخى حاضر اولديغى حالده مذاکراته

ازا وجفا ایلسی اوزرینه افندی مومی ایلهک  
 وقوع فریادینه مینی کلش اولان محله بکجیسی عمر  
 افندیکن معروف بزات اولوب طانیدیغی و خانه سنک  
 یقین اولدیغی جهته فرداسی مر کزه تسلیم ایتمک  
 اوزره کفالت ایده جکنی بیان ایلمش اولدیغی  
 حالده مر قومک کفالتی عدم قبول ایله افندی  
 مومی ایلهی اوراده بولنسا فرونی اچدییره رق  
 ایچروسنه صوقوب کافی السابق صورت جبر یه ده  
 عمر افندیکن ویرم دیو ایله طومقده اولدیغی ساعتک  
 کوستکنی المق ایستدیکی و کتابچی یانی یه دخی  
 تأهل ایده جکندن بختله ساعتیز بر التون کوسکی  
 کوستردیکی اخبار اولمسنه و مومی ایله عمر افندیکن  
 النده و پرمقرنده اولان برهنگ اوزرینی تحرییه تشبث  
 ایلسدیکی صرده افندی مومی ایلهک مخالفتندن  
 حاصل اولدیغی مر قوم نورس افندی بالتأویل اقرار  
 ایلسنه واحوال سائریه نظراً مر قوم نورس افندی  
 مومی ایله عمر افندیکن کندوسنه سلاح تشهر  
 ایتمدیکی وسیله سیله صفت مأموریتنه یاقشیز صور  
 تده جبر و شدت اجراسیله عمر افندیکن بر عدد التون  
 قور دونیله برسیم ساعتی اخذ ایلسدیکی تبین ایتمش  
 و حرکتی ایسه جزا قانوننامه هماوننگ ایکویز یکر می  
 برنجی ماده سی الحکامنی مستلزم افعال جنسایه دن  
 بولنش اولغله اولوجهله مر قومک اجرای محاکمه سی  
 ضمنده آنهاهی طلبندن عبارت بولمشدر

وکیل مومی ایلهک خصوص مذکور حقتنده کی  
 تقریری استماع اولندقدن و اصول محاکمات جزایه  
 قانون موقتک ایکویز التجی ماده سی موجبجه وکیل  
 مومی ایله مار الذکر ادعا نامه سنی و ضبط کاتبی دخی  
 بالجمله اوراق تحقیقیه بی هیئته بالتسلیم او طه دن  
 چیفد قلدن صکره قانون مذکورک ایکویز یدنجی

ماده سنده کوسترلدیکی وجهله خصوص مذکورک  
 بلافاصله مذاکره سنه لدی الابتدار مظنون مر قوم  
 نورسه اسناد اولنان فعل قانون جزانک ایکویز یکر می  
 برنجی ماده سی حکمنی مستلزم افعال جنایه دن  
 اولدیغنه و اوراق تحقیقه ده مؤلاً موجود اولان  
 اقراریته انضمام ایدن اخبارات مر قومک جنایتنه  
 اتهامیله لاجل المحاکمه محکمه جنایته ارسالنه درجه  
 کفایه ده بولند یغنه بناء سالف البیان ادعا نامه  
 موجبجه مظنون مر قوم نورسک صفت مأموریتنه  
 یاقشیز صورتده معامله جبر و شدت اجراسیله مومی  
 ایله عمر افندیکن بر عدد التون قور دونیله برسیم  
 ساعتی اخذ و سیریه ایلمندن طولایی در سعادت  
 محکمه استینافییه سی جنایت قسمنده محاکمه سی اجرا اولتق  
 اوزره جنایتله اتهامنه طقسان طقوز سنه سی صفرینک  
 اون سکرنجی و طقسان یدی سنه سی کانون اولنگ یکر می  
 یدنجی کونی متفقاً قرار و برلش اولغله مر قومک  
 محکمه جنایت حبسخانه سنه نقلی اقتضا ایدر

( هیئت اتهامیه دن ویریلان مضبطه صورتیدر )

رئیس بکر افندی و اعضا کالک و دیقران افندی دن  
 مرکب اولان هیئت اتهامیه استیناف مدعی عمومی  
 لطیف بک افندی دخی حاضر اولدیغی حالده  
 مذاکرته مخصوص اولان او طه ده عقد اجتماع  
 ایدرک امینی سوء استعمال تهمتیله مظنون علیه بولنان  
 داود پاشا محکمه سی جوارنده عتیق علی پاشا  
 مدرسه سی زقافنده ساکنه الی یاشنده عدویه خاتم  
 بنت حسنه ایله زوجی مصطفی اغا حقرنده در سعادت  
 بدایت محکمه سی استنطاق دائره سنجه جریان ایدن



معاملات تحقیقیه بی متضمن اولوب مدعی مومی ایله  
 طرفندن باتقریر اعطا قلدن اوراق ایله مشار ایلهک  
 فی ۱۷ جا سنه ۹۸ تاریخلو والتیوز سکسان اوچ  
 نومرولی ممضی ادعا نامه سی ضبط کاتبی جمال افندی یه  
 قرائت ایتمدی

مذکور ادعا نامه مالی مدعیه شخصیه صالحه خانمک  
 پدیری بسیم افندی مر قومک مایه خزیننه جلیله سنه  
 محکوماً مدیون بولندیغی مبالغ معلومه نک تسویه  
 سیچون مومی ایلهک یانق عثمانیده بولنوب اجرا  
 جمعیتی معرفیه جلب ایدیلان بیک یوز سکسان یدی  
 لیرا ایله اون طقوز ساتم اچقدن اوچ یوز التمش لیرا  
 ایله یتمش طقوز غروشی مومی ایله صالحه خانه  
 ویرلک اوزره قبضنه و کیلی بولنان مظنون علیه  
 مر قومان عدویه خاتم زوجی مصطفی اغایه جمعیت  
 مذکورده دن اعطا و تسلیم اولندیغی حالده مزبوره نک  
 یالکز ایکویز بوقدر لیرا ویرلک اوست طرفنی کتم  
 ایله امنیت سوء استعمال ایتمدیکی ادعا اولمسندن طولایی  
 اجرا قلدن تحقیقات استنطاقیه نتیجه سنده مر قومه نک  
 برات ذمتنه دائر مستنطق جانندن ویریلان قراره  
 اعتراض اولندیغی اکلا شلمش و خالبو که مزبوره  
 عدویه خاتم مدعیه مومی ایله اولجه یینلرنده  
 سبق ایدن مقاولیه مینی مبلغ مدعا بهایی الیقویمش  
 اولدیغی بیان و افاده و صورت افاده سنی اقامه  
 ایلدیکی شاهدلر ایله اثبات ایلدیکی اکلا شلمش و بناء  
 علیه ایشنده جزایی مستلزم بر حال کوریله میوب  
 کیفیت مسائل حقوقیه دن بولنش اولدیغندن بوبنده  
 اولان مستنطق قرارینک لزوم تصدیق طلبنی حاوی  
 بولندی

مدعی عمومی سنک خصوص مذکور حقتنده کی تقریری  
 استماع اولندقدن و اصول محاکمات جزایه قانون  
 موقتک ایکویز التجی ماده سی موجبجه مدعی

عمومی و کیلی مومی ایله مار الذکر ادعا نامه سنی و ضبط  
 کاتبی دخی بالجمله اوراق تحقیقیه بی هیئته بالتسلیم  
 او طه دن چیفد قلدن صکره قانون مذکورک ایکویز  
 یدنجی ماده سنده کوسترلدیکی وجهله خصوص  
 مذکورک بلافاصله مذاکره سنه لدی الابتدار مدعیه  
 شخصیه صالحه خانمک و کیلی بولنان اسماعیل حقی  
 افندی طرفندن بوبنده ویریلان مستنطق قرارینه  
 اعتراضی حاوی لایحه اعطا اولنه جغندن بختله  
 برقطه استدعا ویرلش ایسه ده لایحه مذکوره اعطا  
 اولندیغی کی مذکور استدعا ده دخی مستنطق  
 قرارینک تقضی مبین ماده برکونه اسباب قانونیه  
 مندرج اولماسنه و مدعی عمومی سنک آنف البیان  
 ادعا نامه سنده کوسترلدیکی وجهله کیفیت مسائل  
 حقوقیه دن اولوب حقوق عمومییه تعلق ایدر جهت  
 کوریله مدیکنه و مستنطق قراری موافق قانون  
 بولندیغنه بناء تصدیقنه طقسان سکر سنه سی جدادی  
 الاخره سنک یکر منجی و طقسان یدی سنه سی مایسنک  
 یدنجی کونی متفقاً قرار ویریلرک اوراق وارده  
 اما ده قلدی

( هیئت اتهامیه دن ویریلان مضبطه صورتیدر )

رئیس بکر افندی و اعضا کالک و دیقران افندی دن  
 مرکب اولان هیئت اتهامیه استیناف مدعی عمومی  
 لطیف بک افندی دخی حاضر اولدیغی حالده مذاکرته  
 مخصوص اولان او طه ده عقد اجتماع ایدرک سفینه  
 سنده ایکویز قیه مقداری باروت ظهور ایتمسندن طولایی  
 مظنون علیه اولان او توز بش یاشنده ریزه لی طور سون  
 قپودان بن حسن و طائف قلدن التمش یاشنده ریزه لی  
 صالح بن یعقوب ایله او توز ایکی یاشنده ریزه لی

کندوزینک حاز صلاحیت اوله مامسندن ناشی بوباید  
 مسؤل اولری ایجاب ایتمه چکی اعتقادنده بولم یغنی  
 سونلش وسفینه مذکورهنک فیج و باش انی  
 قاره لرینک طولابلیله سار محملرند، و برقیه لک تنکه  
 وساره درونلرند مع طاره ایکوز قیه مقداری باروت  
 ظهور ایتدیکی نحر یسنه مأمور لیان اداره سنده  
 مستخدم قول اغامی مصطفی قیودان ایله عثمان چاوشک  
 مع الحلف بیان وتذکار ایش اوللرینه نظراً مرقوم  
 طورسون قیودانک مغایر نظام اوله ق صاعی اوزره  
 سفینه سنه بالتحمیل خفياً در سعادت کتورمش اولدیغی  
 ثابت اولمش و بو حرکتی جزا قانوننامه همایونک  
 یوز التمش التجی ماده سی ذیلی احکامی مستلزم  
 افعال جنایه دن بولنش اولغله مرقوم طورسون  
 قیودانک اولوجهله انهامی وطائفه مرقومون  
 صالح وقدری و یونس و دیگر صالحک دخی مشترک  
 جرم اولدقلری ستر حقیقته اخبار ماده دن اجتناب  
 ایله اختیار سکوت ایملر یله ثابت اولمش و حرکت  
 واقعه لری دخی ماده مذکور ذیلی حکمی مستلزم  
 جنایاتدن بولندیغندن بولر حقنده اولان مستنطق  
 قرارینک فسخیه مرقومونک دخی اولوجهله اتهام  
 اولملری طلب و ادعا سندن عبارتدر

مدعی عمومی مشار الیهک خصوص مذکور حقنده سی  
 تقریری استماع اولندقدن و اصول محاکمات جزایه  
 قانون موقنک ایکوز التجی ماده سی موجبجه مشار  
 الیه سالف الذکر ادعا نامه سنی و ضبط کاتی دخی بالجمله  
 اوراق تحقیقیه بی هیئته بالتسلیم او طه دن چقدقلرندن  
 صکره قانون مذکورک ایکوز یدنجی ماده سنده  
 کوستر لیدی وجهله خصوص مذکورک بلا قاصله  
 مذاکره سنه لدی الابتدار مظنون مرقوموندن  
 طورسون قیودانه اسناد اولنان فعل قانون جزانک  
 یوز التمش التجی ماده سنک ذیلی حکمی مستلزم افعال

قدری بن حسن و اوتوز التی یاشنده یونس بن صالح  
 و اون بش یاشنده دیگر صالح بن احمد حقلرند  
 در سعادت بدایت جزا محکمه سی استنطاق دائره سنجه  
 جریان ایدن معاملات تحقیقیه بی متضمن اولوب  
 مدعی عمومی مشار الیه طرفندن باتقریر اعطاقلنان  
 اوراق مشار الیهک فی ۲۵ ذی الحجه سنه ۹۸ وفی  
 ۵ تشرین ثانی سنه ۹۷ تاریخیه مورخ و بیک  
 اوچبوز درت نومرو اوله مرقم و ممضی ادعا نامه سیله  
 برابر ضبط کاتلرندن فائق بکه قرائت ایتدیرلدی

مذکور ادعا نامه مندرجاتی جریان ایدن تدقیقات  
 استنطاقیه نتیجه سنده مظنون علیهمدن طورسون  
 قیودان پکن مایسک اواسطنده تحت اداره سنده  
 بولنان سفینه یه طیغاندن تجار مالی اوله رق تحمیل  
 ایش اولدیغی حنطه بی ممالک یونایه ده واقع پیره یه  
 کورور و صاحب اولان موجود بولونام تاجر بالتسلیم  
 سفینه نولی اوله رق مرقومدن الدیغی بشیک اوچبوز  
 غروش یونان قائم سندن استانبول بیاجه سی موجبجه  
 متضرر اوله جغنی تیقن ایدرک آوجیلره فروخت  
 ایتک و کندیسیده آوجیلقدن استعمال ایتک اوزره  
 مبلغ مزبور ایله بهرقیه سی ایکی در اخی یه یوز تیش  
 یدی قیه باروت الوب در سعادت حین موصلتنده  
 امرار ایچون رخصت استحصانه تشبث ایتدیکی  
 صره ده اولجه اذن و یردیکی طاشقلردن ریزلی  
 توفیقک اخباری اوزرینه حکومت طرفندن مذکور  
 بارونلر ضبط و مصادره اولندیغنی و ممالک محروسه  
 شاهانه یه باروت ادخالنک ممنوعیت حقنده اولدیغنه  
 دائر معلوماتی بولندیغنی و طائفه مرقومون دخی  
 فی الحقیقه مرقوم قیودانک مملکتنه کتوروب صاعق  
 اوزره مقدار مذکور باروت الوب سفینه یه قویمش  
 ایدوکنی و سفینه معامله سنده قیودانه قارشو

جنایه دن اولدیغنه و اوراق تحقیقیه ده دخی جنایته  
 اتهامیه لاجل المحاکمه محکمه جنایته ارسالنه کافی  
 اخبارات و دلائل و امارات بولندیغنه بناءً مظنون  
 مرقوم طورسون قیودانک مغایر نظام اوله رق  
 فروخت ایتک اوزره ممالک حضرت پادشاهی یه  
 باروت ادخال ایتسندن طولابی در سعادت محکمه  
 استینافیه سی جنایت قسمنده محاکمه سی اجرا اولتمق  
 اوزره جنایته اتهامنه و اگر چه سالف الذکر  
 ادعا نامه ده طائفه مرقومون صالح وقدری و یونس  
 و دیگر صالحک ستر حقیقه و اخبار ماده دن اجتناب  
 ایله اختیار سکوت ایتلری شریک تهمت اولدقرینه  
 دلالت ایلدیکندن بحثله اولوجهله اتهاملری طلب  
 اولنش ایسه ده طائفه مرقومونک باروت ادخال  
 اولنان کینک ملکته و کیدن استحصال اولنه جق  
 تمتعه حصه و اشتراکلری بولندیغنی عندالتدقیق نمایان  
 اوله رق کندولری شهر یه ایله استخدام اولنور  
 خدمتکار طاقندن اولملر یله و باروتی کی یه الیرمامق  
 صلاحیتنی دخی حاز بولناملر یله برابر کی یه کیدن  
 مأمورلر طرفندن قبل التحریری باروت حقنده برسؤال  
 ایراد اولنوبده بولرک باروتی ستر و اخباردن  
 اجتناب ایتک کی حرکتده بولندقلرینه دائر اوراق  
 موجوده ده برقید و اشارت اولدقدن بشقه کیده  
 بارونک بولنمیسی اوزرینه اجرا اولنان استجوابلرند  
 مذکور کی یه بارونک نصورتله النوب در سعادت  
 نوجهله کتورلیدیکنی بدایتندن نهایتنه قدر یکدیگرینی  
 تأیید و تصدیق ایدر صورتده حکایه ایش و افادات  
 واقعه لرینی تکذیب ایدرک آخر کونه اخبار و اماره  
 دخی بولناملش اوسنه نظراً مرقومون صالح و یونس  
 وقدری و دیگر صالحک اتهاملرینه محل کور یله  
 مدیکندن منع محاکمه لر حقیقه مستنطق طرفندن  
 و یریلان قرارک تصدیقنه طقسان طقوز سنه سی

محرمینک طقوزنجی و طقسان یدی سنه سی تشرین  
 ثانیسنک اون طقوزنجی کونی متفقاً قرار و یرلش  
 اولغله مرقوم طورسون قیودانک محکمه مذکور  
 حسبخاصنه نقلی اقتضا ایدر

( هیئت اتهامیه دن یریلان مضبطه صورتیدر )

رئیس بکر افندی و اعضا کمال بک و دیقرا افندی دن  
 مرکب اولان هیئت اتهامیه استیناف مدعی عمومی  
 و کیلی حسین حامد بک افندی دخی حاضر اولدیغی حالده  
 مذاکراته مخصوص اولان او طه ده عقد اجتماع ایدرک  
 انکلتزه دولت فحیمه سی تبعه سندن موسیو چوس  
 هبوت و شرکاسنک ایوانسرا بده واقع تحت تصرف  
 قلرند بولنان و اپور دکر ماننده و قورعبولان حریق  
 عن قصد سببیت و یرمش اولدقلری بیان اولتمسندن  
 طولابی مظنون علیه بولنان دکر مان مذکورک  
 کیجه بکیسی قرق بش یاشنده مانوق ولد قصاب  
 و قایشجیلق خدمتنده بولنان اوتوز یاشنده ارتین ولد  
 سرکز وینه اوتوز یاشنده سمیون ولد قلوب حقلرند  
 در سعادت مرکز بدایت محکمه سی استنطاق دائره  
 سنجه جریان ایدن معاملات تحقیقیه بی حاوی اولوب  
 باتقریر اعطاقلنان اوراق ایله استیناف مدعی عمومی  
 لطیف بک افندی ک فی ۲۳ محرم سنه ۹۹ وفی ۳  
 کانون اول سنه ۹۷ تاریخیه مورخ و ایکی بیک  
 ایکوز یدی رقیله مرقم و ممضی ادعا نامه سی ضبط  
 کاتلرندن مخلص بکه قرائت ایتدیرلدی

( بقیه سی صکره )

اعمالیات

طقسان یدی سنه سی نيسانك يکرمی سکرنجی جمعہ ايرتسی کونی قسدیره قضاسنه تابع شيخلر ناحیه سنده فندقلر قریه سی اھالیسندن اولوب اطہ بازارندہ آکرجه قریہ سنده جرح اولنہرق اون ایکی کون صکرہ اثر جرحدن متأثراً وفات ایدن ھاچی نيقوله نك چوبانی ديمتری ولد فوطینک کیفیت جرح وقتلندن طولای مطنون علیہ اولان اورتہ بویلی اچیق انلی اوزون برونلی اچیق قاشلی قرال صاچلی اسمر رنگلی مهاجر حسین نام شخصک قتل قصدی اولقسزین صوپہ ایله ایفا ایلدیکی جرحدن مرقوم ديمترينک متأثراً وفات ایلدیکی عندالتدقیق اکلاشلش و مرقوم حسینک حرکت واقعه سی قانون جزانک یوز یتش یدنجی ماده سنک ذیلی حکمنی مستلزم افعال جنائیہ دن بولنمش اولدیغندن ازمید بدایت جزا محکمه سنده محاکمه سی اجرا اولنق اوزره عن الغیاب جنایتله اتهامنہ قرار ویرلش و مضبطه سی دخی تنظیم واعطا قلمش اولدیغندن فراری مرقوم هرزده کوریلور ایسه طوتیلوب محکمه مذکوره حبسخانه سنه تسلیمی لازم کله جکی بالجله ضابطه عدلیه مأمورلینک معلومی اولق اوزره اشبو اخذ و گرفت امری هیئت اتهامیه دن ویریلان مذکرہ اوزرینه اعلان اولنور

فی ۱۰ نيسان سنه ۹۸

کوش صوبنده ساکن مصطفی اغانک دیگر ارقداشلرله برابر خانه سی قپوسنی قیره رق اشیاسنی سرقت

ایتمسندن طولای مطنون علیہ اولان اورتہ بویلی اسمرجه از یقلی سیاه صاچلی یوارلق چکه لی کوچک برونلی مطروس سرسری مقوله سندن بغدادلی علی نام کسنه فرار ایتمسندن وحقنہ اجرا اولنان تحقیقاتی اوزرینه هیئت اتهامیه دن اتهامنہ قرار ویرلسندن طولای اصول محاکمه جزایه قانون موقتک اوچپوز یتش برنجی ماده سی موجبجه حقنہ معامله مقتضیه اجرا و محاکمه غیابیه سی ایفا اولنہرق مرقوم علینک سرقت مذکوره اجتساری ثابت اولدیغندن جزا قانونامه همایونک ایکپوز یکرمنجی ماده سی احکامنه توفیقاً اوچ سنه مدله کورکه فونلسته محکمه جنایتدن غیاباً حکم اولنمش اولغله معامله لازمہ بالاجرا اعلان کیفیتہ ابتدار قلندی

فی ۴ جادى الاولى سنه ۹۹ و فی ۱۰ نيسان سنه ۹۸

طقسان یدی سنه سی حزرانک یکرمی بشنجی کچه ساعت بش یچق راده لرنده ازمید سنجانغه تابع نفس اطہ بازارنده قلبان محله لی ماردک اوغلی قره بتک خانه سی باصیلوب برطاقم تقود و اشیاسی اخذوغصب اولمسندن طولای مطنون علیہ بولنلرندن اولوب فرار ایدن اطہ بازاری قضاسنده قورت یکاری قریه سی اھالیسندن اوزونجه بویلی الاکوزلی سیاه ییق و قاشلی یکرمی سکر یا شنده رنجبر حسن بن حاجی سعیدک عندالتدقیقات رفقای سارہ سیله برابر یلاً و مسلحاً فعل سرقتی ایقاع ایدرک فرار ایلدیکی اوراق موجوده ماللرندن اکلاشلش و حرکت واقعه سی قانون جزانک ایکپوز اون یدنجی ماده سی حکمنی

کندوسنی طومتغه مجبور اولدقلری بیانیله کیفیتک اعلانه ابتدار اولندی  
فی ۶ جادى الآخرة سنه ۹۹

مستلزم افعال جنائیہ دن بولنمش اولدیغندن ازمید بدایت جزا محکمه سنده محاکمه سی اجرا اولنق اوزره عن الغیاب جنایتله اتهامنہ قرار ویرلش و مضبطه سی دخی تنظیم واعطا قلمش اولدیغندن فراری مرقوم هرزده کوریلور ایسه طوتیلوب محکمه مذکوره حبسخانه سنه تسلیمی لازم کله جکی بالجله ضابطه عدلیه مأمورلینک معلومی اولق اوزره اشبو اخذ و گرفت امری هیئت اتهامیه دن ویریلان مذکرہ اوزرینه اعلان اولنور

فی ۶ جادى الآخرة سنه ۹۹ و فی ۱۲ نيسان سنه ۹۸

سلیمانیه ده بوزطغان کرمی محله سنده ساکنه علیہ خاتمک خانه سندن اچقه و اشیاسنی سرقت ایتمسندن طولای مطنون علیہ اولوب هیئت اتهامیه دن اتهامنہ قرار ویریلان فراری یکرمی بش یا شنده اورتہ بویلی اچیق انلی سیوری برونلی صاری کوزلی اورتہ اغزلی مطروش چکه لی صاری قاشلی صاری صاچلی اسمرچهره لی طابور کاتبی معاونی توفیق افندی شمدی به قدر اثبات وجود ایتماش و هیئت مذکورہ دن ویریلان اخذ و گرفت امری اوزرینه هنوز اله دخی یکور یله ماش اولدیغندن قانونه اطاعتله محکمه به کلک اوزره طرف ریاستدن کندوسنه تاریخ اعلاندن اعتباراً اون کون مهل ویرلش اولغله مدت مذکوره ظرفنده محکمه به کلدیکی تقدیرده قانونه اطاعت ایتماش نظریله باقیله رق حقوق مدنیه دن اسقاط اولنہ جغنی و محاکمه غیابیه سی بالاجرا اموالی دخی جز ایندیر یله جکی و بوائنده کندوسنک برکونه اقامه دعوايه حق اولیه جغنی و بولندیغنی محلی ییلنلر خبر و برمهک و بالجله ضابطه عدلیه مأمورلینک

بک اوغلتنده بیوک خندک جاده سنده ۲ نومرولو خانه ده ساکن مار یابنت یوان امضاسیله فی ۱۶ ایلول سنه ۹۷ تاریخنده بک اوغلی بدایت محکمه سی برنجی حقوق دائره سنه اعطا اولنان عرضخالده طوبخانه ده ساکن ایکن روسیه ده کیشوشهرینه فرار ایدن قصاب لوقه ولد طناشندن استقراض ایلدیکی معلوم المقدار مبالغه مقابل از نبودقریه سنده واقع بش نومرولو متصرفه اولدیغنی بر باب ملک خانه سی مواضعه مرقوم عهده سنه یکورمش و مستقرض به مذکور ی ایضیه حاضر ایکن مرقومک غیبو بی جهتیه اعاده فراغه موفق اولمدیغنی کبی خانه مذکور دخی آخره فراغ ایدلامک اوزره تحت حجره الديرلش اولدیغندن بحثله اعاده فراغی استدعا اولنمش و مرقومه خارجیه نظارت جلیله سی معرفتیه علی الاصول دعوتنامه تبلیغ اولنمش ایسه ده مرقومک محل مذکورده اولدیغنی جواباً ییلدیرنمش اولدیغندن ومدعیه مزبوره حکم قانونک اجراسی طلبنده بولنمش اولسنه و امر محاکمه نك اشبو طقسان سکر سنه سی نيسانک یکرمی دردنجی کونی ساعت التیده مقرر بولنمش اولغله یوم مذکورده مرقوم قصاب لوقه نك بالذات دائره یه کلشی و یا خود طرفندن اصولی دائره سنده مصدق سندله وکیل کوندرمی و شاید کلدیکی و وکیل دخی کوندرمدیکی تقدیرده علیه حکم قانونک اجرا قلنه جغنی اعلان اولنور

فی ۲۷ جادى الاولى سنه ۹۹ و فی ۳ نيسان سنه ۹۸

خرستوفی قامفر نالک تبعه دولت علیه دن قسطنطی  
 و اوغلاری عنکلی و انسطاش ایله قرلری النی و نوایوله  
 قادینلر ذممنده محکوم به الاجغی اولان مبالغ معلومه نك  
 تأمین استیفاسی ضمننده مومی الیهماک عهده لرنده  
 اولوب محجوز بولان یدی قله قر بنده حاجی پیری  
 محله سننده اوتوز بش نومرو ایله مرقم دروننده کیر  
 قیوم مع طولابی و حوض و درت دیرک اوزرینه مینی  
 یدی اوطه لی بر باب اخشاب خانه و قرق حیوان الور  
 اخور و بر باب صوجق خانه فوقنده بر باب اوطه  
 و قصاب خانه و باغچوان اوطه سنی حاوی اولان بوستان  
 بوندن اقدم بالمزایده لیرا یوز غروش حسابله الی  
 بیک غروش بدل ایله طالبی عهده سننده تقرر ایتمش  
 اولدیغندن تاریخ اعلاندن اعتباراً اوتوز برکونه قدر  
 یوزد بش ضمیمه زیاده یه طالب اولنلرک اعلامات حقوقیه  
 اجرا دأره سننه مراجعت ایللری اعلان اولنور  
 فی ۱۴ نیسان سنه ۹۸

موسیو ظریفی یورغا کینک نوری پاشا ذممنده بااعلام  
 شرعی الاجغی اولان مبالغ معلومه نك تسویه سی  
 ضمننده مرهون اولوب وکالت دور یه ایله فروختی  
 محکوم بولان اسکارده ابراهیم اغا محله سننده قوشو  
 یولی جاده سننده واقع اوتوز یدی نومرو لی دروننده  
 کوشکی مشتمل برقطعه باغ ایله پیشگاهنده واقع بکرمی  
 بش و بکرمی طقوز نومرو ایله مرقم معلوم الحدود  
 بر باب منزل و مطبخ مجللی بوندن اقدم مزایده  
 اولنهرق مذکور باغ لیرا یوز غروشدن ایتمش بش  
 بیک و منزل الی یدی بیک بشیوز و مطبخ دخی درت  
 بیک یوز غروش بدل ایله طالبلری عهده سننده تقرر  
 ایتمش اولدیغندن تاریخ اعلاندن اعتباراً اوتوز  
 برکونه قدر نظامی وجهله یوزده بش ضمیمه زیاده یه  
 طالب اولنلرک اعلامات شرعیه اجرا دأره سننه  
 مراجعت ایللری اعلان اولنور  
 فی ۷ نیسان سنه ۹۸

محمد صائب افندی نك  $\frac{۹۹}{۲۱}$  نومرو لی اعلام موجبنجه  
 پترو قالفه یه محکوم به دینک تسویه سیچون بشکطاشده  
 اتمکچی باشی محله سننده دیک زقاقنده بر نومرو لی  
 خانه ده متصرف اولدیغی ثلث حصه شایعه سی  
 اعلامات تاریخندن اعتباراً اون بش کون صکره  
 بالمزایده فروخت اولنهرجغی بک اوغلی بدایت محکمه سی  
 اجرا مأموریتی جانبنندن اعلان اولنور  
 فی ۱۳ نیسان سنه ۹۸

قسطنطی لامبرینو ایله زوجه سی قدنقو قادی نك متوفی  
 یوان ورثه سی نیقوله اذقادیج ایله عنکلتو قادی نه  $\frac{۹۷}{۲۸}$   
 نومرو و او اعلام موجبنجه دینلری اولان مبالغ معلومه نك  
 تسویه سی ضمننده اورته کویده جو یزک نام محله  
 بشمش اوغلی زقاقنده عتیق ۴۶ و جدید ۴۴ نومرو  
 ایله مرقم قطعياً متوفی یوان عهده سننده مرهون  
 اولان بر باب خانه تاریخ اعلاندن اعتباراً اون بش  
 کون صکره بالمزایده فروخت ایدیله جکی بک اوغلی  
 بدایت محکمه سی اجرا دأره سنندن اعلان اولنور  
 فی ۵ نیسان سنه ۹۸